



Sámi allaskuvla
Sámi University College

Sámi allaskuvlla bachelorgráda láhkaásahus

Dohkkehuvvon Sámi allaskuvlla stivrras áššis S 10/03 22.02.2003, ja maŋemusat dohkkehuvvon stivrra áššis S-ášši 26/15, 27.05.2015, universitehta ja allaskuvlla lága 2005-04-01 nr. 15 vuodul ja njuolggadusiad 2005-12-16 nr.1574: Forskrift om grader og yrkesutdanninger, beskyttet tittel og normert studietid ved universiteter og høyskoler.

§ 1 Doaibmaguovlu

Dát láhkaásahus mearrida Sámi allaskuvlla bachelorgráda gáibádusaid.

§ 2 Doabadefinišuvnnat

Dán láhkaásahusas geavahuvvojit dát doahpagat;

a) Rámmaplánii vuoduštuvvon oahppu

Oahppu mas leat fágaplánat, mearriduvvon Sámi allaskuvllas, ja čađahuvvo nášunála rámmaplána vuodul.

á) Integrerejuvvon oahppu

Oahppu mas lea oahppoplána, mearriduvvon Sámi allaskuvlla stivrras.

b) Oahppoprográmma

Oahppu mas lea čilgejuvvon sisdoallu fága- dahje oahppoplánas, mii loahpahuvvo eksámeniin dahje grádain (ovttaskas oahppu, jahkebealoahppu, jahkeoahppu, allaskuvlakandidáhtta, bachelorgráda, vuodđoskuvlaoahpaheaddjeoahppu)

c) Gráda

Oahppu/oahppoprográmma vassis viidodagas, mii addá rievtti oahppoduođástussii (vitnemål).

č) Oahppoovttodat

Oassi oahpus/oahppoprográmmas/ grádas mii loahpalaččat árvvoštallo *Sámi allaskuvlla eksámen ja loahpalaš árvvoštallan láhkaásahusa* mielde. Unnimus ovttodat mii dohkkehuvvo oassin oahpus, oahppoprográmmas dahje grádas.

d) Oahppočuoggát

Oahpu ja oahppoovttodaga viidodat mihtiduvvo oahppočuoggáid mielde. Ovtta oahppojagis leat 60 oahppočuoggá.

đ) Čiekrjudeapmi

Vassis mearri oahppočuoggát mat fágalaččat čiekrjudit dihto fágasuorgái

e) Oahppoplána

Fágalaš sisdoalu plána oahpuin mat eai leat rámmaplána vuodul

f) Fágaplána

Fágalaš sisdoalu konkretiseren oahpuin mat leat rámmaplánaid vuodul

g) Diploma Supplement

Oahppoduođaštusa mielddus, mii čilge: kandidáhta máhtu, oahpu sisdoalu, oahppoásahusa gos oahppu lea čađahuvvon, oahppovuogádaga.

§ 3 Bachelorgráda gáibádusat

Bachelorgráda oažžu go :

- a) Čađaha 3 – jagáš ámmátoahpu (180 oahppočuoggá) mii lea vuoduštuvvon nášunála rápmaplánaide.
- á) Čađaha 3 – jagáš integrerejuvvon oahpu (180 oahppočuoggá) Sámi allaskuvlla dohkkehuvvon oahppoplánaid vuodul. Gáibiduvvo ahte studeanta čađaha ovtta barggu man viidodat lea unnimusat 10 oahppočuoggá. Oahppu sáhtta leat juogo ollislaš 3 jagáš oahppu (180 oahppočuoggá) dehe 2 jagáš oahppu (120 oahppočuoggá) ja lassi fágat mat dahket 60 oahppočuoggá.
- b) Čađaha 3 – jagáš oahpu (180 oahppočuoggá). Gáibiduvvo unnimusat 90 oahppočuoggá čiekŋudeapmi ovtta fágasuorggi siskkobealde ja unnimusat 30 oahppočuoggá nuppi fágasuorggis. Gáibiduvvo ahte studeanta čađaha ovtta iešheanálaš barggu man viidodat lea unnimusat 10 oahppočuoggá.

§ 4 Unnimus oahppoovttodat bachelorgrádas

Unnimus oahppoovttodat § 3a) ja 3b) bachelorgrádas lea unnimusat 10 oahppočuoggá. Unnit oahppoovttodagat seammá fágasuorggi siskkobealde sáhttet dohkkehuvvot jus dát ovttas dahket unnimusat 10 oahppočuoggá.

§ 5 Oahppoovttodagaid sisaheiveheapmi Bachelorgrádii- eksámeniin/geahččalemiin beassan

Lea vejolaš beassat geahččalemiin/eksámeniin mat leat oassin bachelorgrádas, jus ovdal čađahan geahččalemiin/eksámeniin/realgelbbolašvuodain deavdá fágalaš gáibádusa.

Studeanta sáhtta ohcat ovdal čađahan oahppoovttadaga, fága ja oahpu, čađahuvvon Sámi allaskuvllas dahje eará alitoahppoásahusas mii čuovvu Universitehta ja allaskuvllalága dahje olgoriikkaoahpu, dohkkehuvvot oassin bachelorgrádii. Gáibádus lea ahte oahput devdet dán lánkaásahusa gáibádusaid.

Oahppoovttodat, fáddájoavku dahje iešheanálaš bargu mii lea oassin váldofágaeksámena dahje mastergráda vuodus, ii dohkkehuvvo oassin bachelorgrádii.

§ 6 Fágalaš latnjalasvuohta

Oahppoprográmmain mat loahpahuvvet grádain, ii galgga fágalaš sisdoalu dáfus latnjalasvuohta leat eambo go 10 oahppočuoggá. Jus latnjalasvuohta lea eambo go 10 oahppočuoggá de ferte buhtaduvvot liigečuoggáiguin.

§ 7 Oahppoduođaštus

Čađahuvvon oahppu mii addá bachelorgráda dan lánkaásahusa § 3 mielde, duođaštuvvo oahppoduođaštusain.

Kandidáhtta gii galgá oažžut bachelorgrádaduođaštusa Sámi allaskuvllas, galgá leat čađahan unnimusat 60 oahppočuoggá Sámi allaskuvllas.
Bachelorgráda oahppoduođaštus § 3b) vuodul čálihuvo ohcama vuodul. Ohcci galgá ieš duođaštit ahte deavdá gáibádusaid.

Unnimusat 60 oahppočuoggá mat galget vuodđun bachelorgrádii, eai sáhte leat oassin ovdal olahuvvon grádas dahje ámmátoahpus. Ođđa oahppoovttodagat galget ovttas ovdal čađahuvvon oahppoovttadagaiguin, dahje lassin dáidda, mielddisbuktit ahte ođđa grádas lea eará fágalaš čiekŋudeapmi/deaddu go ovdal olahuvvon grádas.

§ 8 Váiddameannudeapmi

Studeanttain lea vuoigatvuohta váidit mearrádusaid Hálddašanlága kap. 4. mearrádusaid vuodul. Dábálaš váidináigemearri lea 3 vahkku.

Bachelorgrádaid váidagiid meannuda stivrra váiddalávdegoddi. Váiddalávdegotti mearrádus lea loahpalaš.

§ 9 Sierra njuolggadusat

Sámi allaskuvlla dutkan- ja oahppostivra sáhtta mearridit sierra njuolggadusaid dán lánkaásahussii.

§ 10 Fápmuibidjan

Dát lánkaásahus lea fámus 1.6.2015 rájes.